

Podignuta optužnica: Državljanin Turske i Iraka krijumčarili migranate



Tužilac Posebnog odjela za organizovani kriminal, privredni kriminal i korupciju Tužilaštva BiH podigao je optužnicu protiv Murata Erbila, rođenog 20. marta 1968. u Arbilu, Irak, državljanin Turske i Iraka, koji se nalazi u pritvoru; i Sahina Sefer, rođenog 9. augusta 1993. u Samsunu, Turska, državljanin Turske.

Optuženi se terete da su na području BiH tokom 2019., djelujući u međusobnom dogovoru i koordinaciji, vršili nezakonito krijumčarenje ilegalnih migranata, uglavnom državljanina Iraka, koji su ilegalno ušli u Bosnu i Hercegovinu, te nisu imali važeće dokumente za boravak u BiH.

U optužnici je navedeno da su optuženi postupali protivno Protokolu protiv krijumčarenja migranata kopnenim, morskim i zračnim putem kojim se dopunjuje Konvencija UN protiv transnacionalnog i organiziranog kriminala, a s ciljem da za sebe ostvare nezakonitu imovinsku korist.

Optuženi se terete za krijumčarenje najmanje 15 ilegalnih migranata u tri navrata, koje su za novčane iznose koji su dosegali i 4.000 eura, prevozili preko teritorije BiH u pravcu granice s Hrvatskom, u čemu su ih otkrili i spriječili službenici Državne agencije za istrage i zaštitu – SIPA.

Optuženi se terete da su počinili kazneno djelo krijumčarenja osoba, iz KZ BiH.

Optužnica je prosljeđena na potvrđivanje Sudu BiH, saopćeno je iz Tužilaštva BiH.

Date: 16-08-2019